

Dogfen ir Cyhoedd



CYNGOR SIR
YNYS MÔN
ISLE OF ANGLESEY
COUNTY COUNCIL

Dr Gwynne Jones
Prif Weithredwr – Chief Executive
CYNGOR SIR YNYS MÔN
ISLE OF ANGLESEY COUNTY COUNCIL
Swyddfeydd y Cyngor - Council Offices
LLANGFNI
Ynys Môn - Anglesey
LL77 7TW

Ffôn / tel (01248) 752500
Ffacs / fax (01248) 750839

RHYBUDD O GYFARFOD	NOTICE OF MEETING
PWYLLGOR GWASANAETHAU DEMOCRATAIDD	DEMOCRATIC SERVICES COMMITTEE
DYDD MERCHER, 26 MEDI 2018 am 2.00 o'r gloch yp	WEDNESDAY, 26 SEPTEMBER, 2018 at 2.00 p.m.
YSTAFELL BWYLLGOR 1, SWYDDFEYDD Y CYNGOR, LLANGFNI	COMMITTEE ROOM 1, COUNCIL OFFICES, LLANGFNI
Swyddog Pwyllgor	Shirley Cooke 01248 752514 Committee Officer

AELODAU / MEMBERS

Cynghorwyr / Councillors:-

Plaid Cymru / The Party of Wales

Vaughan Hughes (Is-Gadeirydd/Vice-Chair), Carwyn Jones, R G Parry OBE FRAGS, Dylan Rees, Nicola Roberts

Y Grŵp Annibynnol / The Independent Group

Richard Griffiths, Dafydd Roberts

Plaid Lafur Cymru / Wales Labour Party

J Arwel Roberts

Annibynnwyr Môn / Anglesey Independents

Eric Jones, R Llewelyn Jones (Cadeirydd/Chair)

R H A G L E N

1 **DATGANIAD O DDIDDORDEB**

Derbyn datganiad o ddiddordeb gan Aelod neu Swyddog mewn perthynas ag unrhyw eitem o fusnes.

2 **COFNODION** (Tudalennau 1 - 6)

Cyflwyno i'w cadarnhau, gofnodion drafft y cyfarfodydd blaenorol o'r Pwyllgor Gwasanaethau Democrataidd a gynhaliwyd ar y dyddiadau canlynol:-

- 20 Mawrth 2018
- 15 Mai 2018

3 **MATERION YN YMWNEUD AG AELODAU** (Tudalennau 7 - 10)

Cyflwyno adroddiad gan y Pennaeth Gwasanaethau Democrataidd fel y'i cyflwynwyd i'r Pwyllgor Safonau a gafwyd ar 12 Medi, 2018.

4 **DATBLYGU AELODAU** (Tudalennau 11 - 16)

Cyflwyno adroddiad gan y Rheolwr Datblygu Adnoddau Dynol fel y'i cyflwynwyd i'r Pwyllgor Safonau a gafwyd ar 12 Medi, 2018.

5 **RHALGEN WAITH Y PWYLLGOR 2018/19** (Tudalennau 17 - 18)

Cyflwyno Rhaglen Waith ar gyfer 2018/19.

PWYLLGOR GWASANAETHAU DEMOCRATAIDD

Cofnodion y cyfarfod a gynhaliwyd 20 Mawrth 2018

YN BRESENNOL:	Cynghorydd Robert Llewelyn Jones (Cadeirydd) Cynghorydd Vaughan Hughes (Is-gadeirydd) Cynghorwyr Richard Griffiths, Eric Wyn Jones, Bob Parry OBE FRAGS, Dylan Rees, J A Roberts a Nicola Roberts.
WRTH LAW:	Pennaeth Gwasanaethau Democrataidd, Rheolwr Datblygu Adnoddau Dynol (MW) (ar gyfer eitem 5), Swyddog Pwyllgor (MEH).
YMDDIHEURIADAU:	Cynghorwyr Carwyn Jones, Dafydd Roberts.
HEFYD YN BRESENNOL:	Dim

1 DATGANIADAU O DDIDDORDEB

Bu'r Cynghorydd Dylan Rees ddatgan diddordeb a oedd yn rhagfarnu mewn perthynas ag Eitem 3 – Panel Annibynnol Cymru ar Gydnabyddiaeth Ariannol – Adroddiad Blynyddol 2018/19 a gadawodd y cyfarfod yn ystod y drafodaeth a'r bleidlais ddilynol.

2 COFNODION

Cadarnhawyd cofnodion y cyfarfod a gynhaliwyd ar 13 Rhagfyr, 2017 fel cofnod cywir.

Materion yn codi o'r cofnodion:-

Eitem 5 – Amseriad Cyfarfodydd Cyngor

Cadarnhaodd y Pennaeth Gwasanaethau Democrataidd fod y Cyngor Llawn, yn y cyfarfod a gynhaliwyd ar 28 Chwefror, 2018, wedi cadarnhau na ddylid gwneud unrhyw newidiadau i amseroedd cyfarfodydd.

3 PANEL ANNIBYNNOL CYMRU AR GYDNABYDDIAETH ARIANNOL – ADRODDIAD BLYNYDDOL 2018/19

Cyflwynwyd – adroddiad gan y Pennaeth Gwasanaethau Democrataidd ar Banel Annibynnol Cymru ar Gydnabyddiaeth Ariannol – Adroddiad Blynyddol 2018/19.

Adroddodd y Pennaeth Gwasanaethau Democrataidd bod yn rhaid i Banel Annibynnol Cymru ar Gydnabyddiaeth Ariannol gynhyrchu Adroddiad Blynyddol sy'n nodi'r mathau a'r lefelau o daliadau y gall neu sy'n rhaid i awdurdodau lleol sicrhau sydd ar gael ar gyfer eu haelodau ac aelodau cyfetholedig. Mae'r Panel wedi penderfynu ar gynnydd o £200 y flwyddyn i gyflog blynyddol sylfaenol Aelodau Etholedig; bydd y cyflog sylfaenol felly'n £13,600. Uchafswm nifer y cyflogau uwch sydd wedi'u pennu ar gyfer yr Awdurdod hwn ar gyfer 2018/19 yw 16; mae hyn yn cynnwys cyflogau dinesig ar gyfer Cadeirydd ac Is-gadeirydd y Cyngor Sir. Nodwyd nad oes unrhyw gynnydd yn cael ei argymhell ar gyfer y swyddi uwch ond y bydd deiliaid y swyddi hyn yn derbyn y cynnydd yn yr elfen sylfaenol o'r cyflog.

Mae'r disgrisiwn i dalu gwahanol lefelau o gyflog i Aelodau Pwyllgor Gwaith wedi'i ddiddymu a dim ond un lefel cyflog fydd yn bodoli ar gyfer 2018/19. Mae'r Panel Annibynnol Cymru ar

Gydnabyddiaeth Ariannol hefyd wedi penderfynu y bydd trefniadau dwy haen ar gyfer Cadeiryddion Pwyllgorau yn cael eu diddymu. Fodd bynnag, mae'r Panel yn cydnabod ei bod hi'n briodol i awdurdodau lleol osod y lefelau tâl ar gyfer Penaethiaid Dinesig a Dirprwy Benaethiaid Dinesig. Mae'r Cyngor hwn ar hyn o bryd yn talu lefel 3 i'r Pennaeth Dinesig a'r Dirprwy. Gofynnwyd am safbwyntiau'r Arweinwyr Grwpiau ac argymhellir fod y lefel presennol o daliadau yn parhau ar gyfer 2018/19 sef Lefel 3.

PENDERFYNWYD argymhell i'r Cyngor llawn ei fod yn derbyn yr adroddiad a bod y cyflogau Lefel 3 isaf yn cael eu talu i'r Pennaeth Dinesig a'r Dirprwy Bennaeth Dinesig.

4 ADRODDIADAU BLYNYDDOL AELODAU 2017/18

Cyflwynwyd – adroddiad gan y Pennaeth Gwasanaethau Democrataidd mewn perthynas ag Adran 5 Mesur Llywodraeth Leol (Cymru) 2011 sy'n gosod dyletswydd ar y Cyngor Sir i sicrhau bod trefniadau yn eu lle er mwyn galluogi Aelodau i gyhoeddi adroddiadau blynyddol ar eu gweithgareddau.

Amlinellodd y Pennaeth Gwasanaethau Democrataidd yr amserlen ar gyfer cyhoeddi Adroddiadau Blynyddol yr Aelodau ar gyfer 2017/18, fel sydd wedi'i nodi yn yr adroddiad.

Dywedodd yr Aelodau y dylai ymrwymadau gwaith a'r angen i gynrychioli'r Cyngor mewn gwahanol gyfarfodydd gael ei gymryd i ystyriaeth yn y canran presenoldeb mewn cyfarfodydd o fewn Adroddiadau Blynyddol yr Aelodau.

PENDERFYNWYD nodi'r adroddiad ac i gynnwys, o fewn Adroddiadau Blynyddol yr Aelodau, y rheswm am absenoldebau Aelodau o Bwyllgorau penodol o ganlyniad i ymrwymadau gwaith a chynrychioli'r Cyngor ar wahanol gyff.

5 CYNLLUN DATBLYGU A HYFFORDDI AELODAU 2017/18

Cyflwynwyd – adroddiad diweddar gan y Rheolwr Datblygu Adnoddau Dynol ar y cynnydd o ran cyfleoedd datblygu a gynigwyd i Aelodau Etholedig ers yr adroddiad blaenorol a gyflwynwyd i'r Pwyllgor hwn yn ei gyfarfod ar 13 Medi 2017.

Adroddodd y Rheolwr Datblygu Adnoddau Dynol, rhwng Medi 2017 a hyd at 31 Mawrth, 2018 bod 11 o sesiynau datblygu ffurfiol wedi / yn cael eu cynnig. O'r rhain, roedd 5 sesiwn ar gyfer Aelodau'r Pwyllgorau Sgriwtini, roedd un yn ymwneud â'r Pwyllgor Archwilio, Hyfforddiant Trwyddedu, tra bo'r holl Aelodau Etholedig yn cael gwahoddiad i weddill y sesiynau a gynigwyd (sy'n cynnwys y sesiwn Gynefino Ranbarthol a gynhelir gan Gymdeithas Llywodraeth Leol Cymru yn Venue Cymru). Lle bo hynny'n berthnasol, gwahoddiwyd Aelodau Lleyg y Pwyllgorau Sgriwtini a'r Pwyllgor Safonau i fynychu sesiynau hyfforddiant penodol. Dywedodd hefyd bod ymdrechion wedi eu gwneud i annog Aelodau Etholedig i ymgysgu eu hunain â'r rhaglenni E-ddysgu sydd ar gael, gyda'r Swyddog E-ddysgu yn darparu nifer o sesiynau hyfforddiant.

PENDERFYNWYD nodi'r cynnydd o fewn y Cynllun Datblygu a Hyfforddi Aelodau ar gyfer 2017/18.

6 SIARTR DATBLYGU A CHEFNOGI AELODAU

Cyflwynwyd - adroddiad gan y Pennaeth Gwasanaethau Democrataidd ar Siartr Cefnogi a Datblygu Aelodau Cymdeithas Llywodraeth Leol Cymru. Rhoddwyd y Siartr i'r Cyngor yn 2014 a'i nod yw darparu fframwaith eang ar gyfer cynllunio lleol, hunanasesu, gweithredu ac adolygu a rhannu arferion da ac arloesol. Rhoddwyd y dyfarniad am gyfnod o 3 blynedd a chynigir fod y Cyngor rŵan yn ceisio ailasesiad.

PENDERFYNWYD nodi'r adroddiad ac i'r Cyngor geisio ailasesiad o fewn Siartr Cefnogi a Datblygu Aelodau Cymdeithas Llywodraeth Leol Cymru.

7 GWEDDARLLEDU CYFARFODYDD

Cyflwynwyd - adroddiad diweddarau gan y Pennaeth Gwasanaethau Democraidd mewn perthynas â gweddarlledu cyfarfodydd.

Adroddodd y Pennaeth Gwasanaethau Democraidd, ers Mehefin 2014 bod cyfarfodydd y Cyngor Llawn, y Pwyllgor Gwaith a'r Pwyllgor Cynllunio a Gorchmynion wedi cael eu gweddarlledu a bod y gwasanaeth wedi'i ddarparu gan Public.i, roedd gwybodaeth am nifer y gwylwyr ers Ebrill 2016 wedi'i atodi i'r adroddiad. Nodwyd fod y contract presennol â Public.i yn dod i ben ym Mawrth 2018 a bod y gwasanaeth ar hyn o bryd allan i dendr am gyfnod o 3 blynedd hyd at Mawrth 2021.

Gofynnodd y Cyngorydd Dylan Rees am gadarnhad a fyddai'r Pwyllgorau Sgriwtini yn cael eu gweddarlledu pan fyddai materion sydd o ddiddordeb i'r cyhoedd yn cael eu trafod. Ymatebodd y Pennaeth Gwasanaethau Democraidd y gellir trafod y mater hwn yn y man.

PENDERFYNWYD nodi'r wybodaeth ac y dylid cyflwyno adroddiad diweddarau pellach fel rhan o Raglen Waith y Pwyllgor ar gyfer 2018/19.

8 RHAGLEN CYFARFODYDD 2018/19

Cyflwynwyd – amserlen o gyfarfodydd Pwyllgorau ar gyfer 2018/19 sy'n adlewyrchu penderfyniad y Cyngor Sir Llawn, yn ei gyfarfod ar 28 Chwefror, 2018 i beidio ag addasu amseriad y cyfarfodydd a lle bynnag bo hynny'n bosibl, i drefnu cyfarfodydd ar ddydd Llun, dydd Mawrth a dydd Mercher.

PENDERFYNWYD nodi'r wybodaeth.

Daeth y cyfarfod i ben am 3.00 pm

**CYNGHORYDD R LI JONES
CADEIRYDD**

This page is intentionally left blank

PWYLLGOR GWASANAETHAU DEMOCRATAIDD

Cofnodion y cyfarfod a gynhaliwyd ar 15 Mai 2018

- YN BRESENNOL:** Y Cynghorydd Robert Llewelyn Jones (Cadeirydd)
- Y Cynghorwyr Richard Griffiths, Vaughan Hughes,
Eric Wyn Jones, Robert G Parry OBE, FRAgS, Dylan Rees,
J Arwel Roberts a Dafydd Roberts
- WRTH LAW:** Prif Weithredwr,
Pennaeth Swyddogaeth (Busnes y Cyngor)/Swyddog Monitro,
Pennaeth Gwasanaethau Democrataidd,
Swyddog Pwyllgor (MEH).
- YMDDIHEURIADAU:** Y Cynghorwyr Carwyn Jones a Nicola Roberts
- HEFYD YN
BRESENNOL:** Dim
-

1 DATGANIAD O DDIDDORDEB

Ni chafwyd unrhyw ddatganiadau o ddiddordeb.

2 ETHOL IS-GADEIRYDD

Etholwyd y Cynghorydd Vaughan Hughes yn Is-Gadeirydd y Pwyllgor Gwasanaethau Democrataidd.

**Y CYNGHORYDD ROBERT LL JONES
CADEIRYDD**

This page is intentionally left blank

ISLE OF ANGLESEY COUNTY COUNCIL	
Pwyllgor:	Pwyllgor Safonau
Dyddiad :	12 Medi 2018
Teitl:	Materion Aelodau Etholedig
Pwrpas yr adroddiad:	Adrodd ar gynnydd hyd yma
Awdur:	Pennaeth Gwasanaethau Democraidaidd

1.0 Cefndir

Diben yr adroddiad hwn ydi diweddarau'r Pwyllgor ar wahanol faterion yn ymwneud ag Aelodau.

1.1 Adroddiadau Blynyddol gan Aelodau

Fe adroddwyd i'r cyfarfod diwethaf ar drefniadau ar gyfer paratoi adroddiadau blynyddol am y cyfnod 2017 - 18.

Mae rhan 5 o Fesur Llywodraeth Leol (Cymru) 2011 yn gosod cyfrifoldeb ar Awdurdod Lleol i sicrhau bod trefniadau mewn lle er mwyn i Aelodau baratoi adroddiadau blynyddol ar eu gwaith.

Ym mis Mawrth eleni fe gytunodd y Pwyllgor Gwasanaethau Democraidaidd ar amserlen ar gyfer hyn sef cyhoeddi adroddiadau erbyn y 30 o Fehefin 2018. Mae modd gweld yr adroddiadau a baratowyd hyd yma ar y linc isod.

<http://www.ynysmon.gov.uk/cyngor-a-democratiaeth/cynghorwyr-democratiaeth-ac-etholiadau/cynghorwyr/adroddiad-blynyddol-gan-gynghorydd/>

1.2 Siarter datblygu a chefnogi Aelodau

Yn ogystal, adroddwyd i'r cyfarfod diwethaf ar y bwriad i baratoi ail asesiad ar gyfer anghenion Siarter Datblygu a chefnogi Aelodau, Cymdeithas Llywodraeth Leol Cymru.

Yn 2014 dyfarnwyd y Siarter hon i'r Cyngor a'i fwriad ydi darparu fframwaith cyffredinol ar gyfer cynllunio lleol, hunan asesiad, gweithredu ac adolygu ynghyd â rhannu arfer da. Fe ddyfarnwyd y Siarter am gyfnod o 3 blynedd a'r bwriad gwreiddiol oedd ail gyflwyno cais erbyn Ebrill 2018. Fodd bynnag adolygwyd yr amserlen hon er mwyn caniatáu i Aelodau baratoi adroddiadau blynyddol a hefyd adolygiadau datblygu personol. Adroddwyd ar gynnydd mewn perthynas a'r ddau faes hwn i Arweinyddion Grwpiau. (Mae adroddiad ar wahân i'r cyfarfod hwn yn delio gyda'r rhaglen hyfforddiant Aelodau ar gyfer 2018/19. Bwriedir yn awr gyflwyno cais am y Siarter yn ystod chwarter 3, 2018/19

1.3 Gwiriad GDG

Mae'n ofynnol dan bolisi Datgelu a Gwahardd y Cyngor bod gwiriad uwch yn cael ei wneud ar gyfer Aelodau gan gynnwys Aelodau cyfetholedig sydd ar wahanol bwyllgorau a phanelau perthnasol. Gweithredwyd ar hyn gyda chymorth y Pennaeth Dysgu a bydd hyn yn cael ei adolygu yn gyson yn y dyfodol.

1.4 Gwybodaeth Aelodau ar wefan y Cyngor

Darparwyd gwybodaeth i Aelodau mewn sesiwn briffio ar hyn a'r defnydd o system reoli gwybodaeth pwyllgorau Mod.Gov i gynnwys rhagor o fanylion ar dudalennau Cynghorwyr ar bresenoldeb mewn pwyllgorau a hefyd hyfforddiant ayyb.

Mae Aelodau wedi derbyn cefnogaeth 1-1 ar y drefn o gynnwys manylion hyfforddiant ar gyfer 2018/19 a bydd staff Gwasanaethau Democrataidd yn parhau i ddarparu cefnogaeth i Aelodau. Bellach mae gwybodaeth ar wefan y Cyngor ar bresenoldeb mewn pwyllgorau a hefyd hyfforddiant.

Yn ddiweddar fe gyhoeddwyd canllawiau gan CLLIC ar y defnydd o gyfryngau cymdeithasol gan Gynghorwyr. Mae Cadeirydd y Pwyllgor Safonau wedi cylchredeg y wybodaeth i'r holl Aelodau ac mae'r defnydd o gyfryngau cymdeithasol yn ddull effeithiol i Gynghorwyr rannu gwybodaeth gyda etholwyr. Mae cyfle i Aelodau gynnwys manylion Facebook a Twitter ar y wefan.

1.5 Cyrff Allanol

Mae Aelodau yn cynrychioli'r Cyngor ar wahanol bartneriaethau strategol a rhai cyrff sy'n fwy lleol, ac mae'r Cyngor yn adolygu y rhestr yn flynyddol. Yn ei gyfarfod ar yr 19^{fed} o Fehefin, mabwysiadwyd fframwaith monitro partneriaethau ar sail rhaglen dreigl gan y Pwyllgor Craffu Partneriaethau ac Adfywio. Mae'r adroddiad a gyflwynwyd i'r Pwyllgor hefyd yn cyfeirio at atebolrwydd Aelodau. Yn y dyfodol bydd rhaglen waith y Pwyllgor yn cael ei llywio o gwmpas rhai partneriaethau allweddol a chyfle i'r Pwyllgor holi Aelodau sy'n eistedd ar y partneriaethau hyn. Gellir gweld yr adroddiad drwy ddilyn y linc isod:

<http://democratiaeth.ynysmon.gov.uk/ieListDocuments.aspx?CId=481&Mid=3328&Ver=4&LLL=1> - Eitem 6

O ran cyrff allanol 'lleol' mae cyfle i Aelodau ddarparu gwybodaeth mewn adroddiadau blynyddol er mwyn egluro i'r cyhoedd yr hyn a wneir a rolau. Rwy'n bwriadu adolygu fformat y wybodaeth mewn adroddiadau blynyddol yn y dyfodol er mwyn i Aelodau grynhoi eu gwaith ar gyrrff allanol yn hytrach na manylu ar nifer y cyfarfodydd a fynychwyd.

2.0 Argymhelliad:

Nodi gwybodaeth yn yr adroddiad.

Huw Jones
Pennaeth Gwasanaethau Democrataidd
23 Awst, 2018

This page is intentionally left blank

CYNGOR SIR YNYS MÔN	
CYFARFOD:	PWYLLGOR SAFONAU
DYDDIAD:	12 MEDI 2018
TEITL YR ADRODDIAD:	DATBLYGU AELODAU
ADRODDIAD GAN:	RHEOLWR DATBLYGU ADNODDAU DYNOL
SWYDDOG CYSWLLT:	MIRIAM WILLIAMS (estyniad 2512)
PWRPAS YR ADRODDIAD:	RHOI DIWEDDARIAD AR GYNNYDD Y RHAGLEN DATBLYGU AELODAU

CEFNDIR

Pwrpas yr adroddiad hwn yw rhoi diweddariad i'r Pwyllgor Safonau ar gynnydd o ran y cyfleoedd datblygu a gynigiwyd i Aelodau Etholedig ers yr adroddiad gyflwynwyd ar y 14eg o Fawrth 2018.

Cyflwynwyd cynllun newydd ar gyfer 2018/19 ac a gafodd ei mabwysiadu gan y cyngor llawn ar y 15fed o Fai 2018. Cafodd y cynllun ei llunio gydag mewnbwn gan yr Uwch Swyddogion ac Arweinyddion Grwpiau er mwyn ymateb i anghenion yr Awdurdod hwn ar gyfer y flwyddyn ariannol yma.

CYNLLUN HYFFORDDI A DATBLYGU AELODAU

Fel cynllun sy'n esblygu mae'r cynllun Datblygu eisoes wedi ei ddiwygio i adlewyrchu yr anghenion hyfforddiant sydd wedi ei gynnig ers fy adroddiad diwethaf, gweler atodiad 1.

Rhwng 1af o Ebrill 2018 a'r 14eg o Fedi 2108, mae 10 sesiwn datblygu ffurfiol yn/wedi ei cynnig. Mae'r sesiynau gynigir yn cynnwys sesiynau Cyllid/Diogelu/lechydd a Diogelwch a Craffu.

Lle'n addas, mae Aelodau Lleyg ac hefyd Aelodau o'r Pwyllgor Safonau'n cael gwahoddiad i sesiynau hyfforddiant penodol.

COSTAU

Mae'r hyfforddiant sydd wedi ei gyflwyno wedi bod yn gyfuniad o rai sydd wedi ei harwain gan swyddogion yn ogystal a darparwyr allanol, gyda chyfraniad sylweddol mewn buddsoddiad yn y rhaglen Hyfforddiant Craffu.

Yn ôl yr arfer, mae presenoldeb ar sesiynau datblygu'n hanfodol i sicrhau gwerth am arian.

E-DDYSGU

Mae peth ymdrech wedi ei wneud i annog Aelodau Etholedig i ymgyswngtu ei hunain gyda'r ystod o raglenni E-Ddysgu sydd ar gael iddynt.

Er mwyn cynorthwyo Aelodau Etholedig gyda hyn, mae'r Swyddog E-Ddysgu wedi cyflwyno nifer o sesiynau i Aelodau o'r Pwyllgorau Craffu a Safonau, er mwyn rhoi gwybodaeth, sgiliau ac hyder i unigolion ddefnyddio'r rhaglenni.

Ers y 1af o Ebrill 2018 mae Aelodau Etholedig wedi bod i mewn i'r modiwlau isod:

Y Cynghorydd Ward Effeithiol (x8)
Sgiliau Siarad yn Gyhoeddus (x5)
Cyflwyniad i Graffu (x5)
Penderfyniadau ar gyfer Cenhedlaethau'r Dyfodol (x2)
Rhiantu Corfforaethol (x2)

GWERTHUSO

Mae gwerthuso hyfforddiant yn cael ei annog o hyd er mwyn adnabod os ydi'r hyfforddiant yn cyrraedd anghenion Aelodau ac er mwyn adnabod unrhyw anghenion ychwanegol.

ADOLYGIADAU DATBLYGIAD PERSONOL (ADP) AR GYFER AELODAU

Mae trefniadau ar gyfer cwblhau ADP ar gyfer y flwyddyn ariannol yma wedi ei cyd-lynu gan Bennaeth Gwasanaethau Democrataidd.

Mae'r anghenion hyfforddiant sydd wedi ei adnabod yn rhai o natur generic.

CRYNODEB

Bydd y cynllun datblygu'n parhau i gael ei ddiweddarau i adlewyrchu'r cynigion a gynigir i Aelodau Etholedig yn seiliedig ar yr anghenion a nodwyd.

Bydd y Rheolwr Datblygu AD yn parhau i chwilio am gyfleoedd i gyd weithio gyda Awdurdodau arall yn y Gogledd i sicrhau fod unrhyw hyfforddiant sy'n cael ei gomisiynu yn gost effeithiol.

ARGYMHELLION

Gofynnir i'r Pwyllgor nodi'r cynnydd a wnaed o ran y Rhaglen Datblygu Aelodau.

Miriam Williams
Rheolwr Datblygu AD
Medi 2018

RHAGLEN DATBLYGU AELODAU ETHOLEDIG 2018/19

(Lle'n bosib, cynhelir sesiynau hyfforddiant ar ddydd lau/Gwener gan osgoi'r p'nawn lau cynta pob mis oherwydd sesiynau briffio Aelodau. Lle'n bosib, nodir dyddiadau/amseroedd)

Gweithgaredd	Cynulleidfa	Dull	Pryd
Rheoli'r Trysorlys	Pob Aelod Etholedig	Richard Basson	05/06/2018
Materion Diogelu	Pob Aelod Etholedig (M)	Annwen M Hughes, Rheolwr Gwasanaeth (Diogelu ac Ymarferydd Sicrhau Ansawdd)	gohirwyd
Rhiantu Corfforaethol	Pob Aelod Etholedig	Fôn Roberts – Pennaeth Gwasanaeth Plant	gohirwyd
Hyfforddiant Sgriwtini	Pob Aelod Etholedig	David McGrath	13 & 14 Medi 2018
Ddeddf Rheoleiddio ac Arolygu Gofal Cymdeithasol (Cymru)	Pob Aelod Etholedig	Alwyn Rhys Jones – Pennaeth Gwasanaeth Oedolion	26/7/2018
Penderfynu er Lles Cenedlaethau'r Dyfodol (Deddf Llesiant Cenedlaethau'r Dyfodol)	Pob Aelod Etholedig	Gweithdy – Uwch swyddogion ac aelodau profiadol. Dysgu electronig.	Dyddiad i'w gadarnhau
"Rheoliad Diogelu Data Cyffredinol (GDPR)".	Pob Aelod Etholedig (M)	Gweithdy ac E-Ddysgu	Dyddiad i'w gadarnhau
Cyflwyniad i Gydraddoldeb	Pob Aelod Etholedig (M)	E-Ddysgu/Gweithdy	Dyddiad i'w gadarnhau
Arwain Cymuned a Thrin a Thrafod Achosion	Pob Aelod Etholedig	Pennaeth Gwasanaeth Democraidd /aelod profiadol uchelradd/e-ddysgu	Dyddiad i'w gadarnhau

Llywodraeth Fodern – recordio hyfforddiant	Pob Aelod Etholedig	Swyddog Mewnol	Mai 2018 (cynhaliwyd sesiynau briffio) Medi 2018
Sgiliau Cadeirio (rheolaeth cyfarfodydd)	Pob Cadeirydd	Hwyluswyr allanol/E-Ddysgu	13 & 14 Medi 2018
Rhaglen Arweinyddiaeth CLIC	Enwebir Aelod Etholedig	Gweithdai Rhanbarthol	Tachwedd 2018
Trwyddedu - Diweddariad	Aelodau o'r Pwyllgor Cynllunio a Thrwyddedu	Swyddogion Mewnol	Dyddiad i'w gadarnhau
Iechyd a Diogelwch – IOSHH Arwain yn Ddiogel	Pob Aelod Etholedig (M)	Catrin Love	12/7/2018
Diogelwch Personol a chamdriniaeth ar-lein	Pob Aelod Etholedig	Catrin Love	12/7/2018
Cynllunio <ul style="list-style-type: none"> Materion Llifogydd Rôl Aelodau lleol yn y drefn cynllunio 	Pob Aelod Etholedig	Cyfoeth Naturiol Cymru Swyddogion Mewnol	Dyddiad i'w gadarnhau

MODIWLAU E-DDYSGU AR GAEL

- Llywodraethu Gwybodaeth yn Gyffredinol
- Ysgrifennu Effeithiol
- Rheoli Eich Hun a'ch Amser
- Deallusrwydd Emosiynol
- Trais yn erbyn menywod, cam-drin domestig a thrais rhywiol
- Atal
- Cyflwyniad i Gydraddoldeb ac Amrywiaeth
- Ymwybyddiaeth Straen
- Croeso Cymraeg Gwaith
- Moesau a Safonau
- Penderfyniadau i Genedlaethau'r Dyfodol

- Cadeirio Cyfarfodydd
- Sgiliau Siarad Cyhoeddus
- Cyflwyniad i Graffu
- Y Cynghorydd Ward Effeithiol
- Rhiantu Corfforaethol

(M) = Mandadol

Fel dilyniant i gyfarfodydd Cynlluniau Datblygu Personol un i un gael ei cynnal, bydd anghenion pellach yn cael ei adnabod a'i cynnwys (os yn briodol) o fewn y cynllun yma.

Noder: bydd rhaglen datblygu Sgriwtini yn rhedeg ochr yn ochr gyda'r rhaglen hon

CYNGOR SIR YNYS MÔN	
ENW'R PWYLLGOR:	PWYLLGOR GWASANAETHAU DEMOCRATAIDD
DYDDIAD Y CYFARFOD:	26 MEDI, 2018
TEITL:	RHAGLEN WAITH Y PWYLLGOR 2018/19
PWRPAS YR ADRODDIAD:	TRAFOD Y RHAGLEN WAITH ARFAETHEDIG AR GYFER 2018/19
AWDUR:	PENNAETH Y GWASANAETHAU DEMOCRATAIDD

1.0 Prif swyddogaeth y Pwyllgor yn unol â Mesur Llywodraeth Leol (Cymru) 2011, yw adolygu digonolrwydd y ddarpariaeth yn yr awdurdod o ran staff, swyddfeydd ac adnoddau eraill i gyflawni dyletswyddau a swyddogaethau'r gwasanaethau democrataidd.

1.1 O ran y rhaglen waith ar gyfer 2018/19, argymhellir y dylid canolbwyntio ar y meysydd isod:

- Y Cynllun ar gyfer Datblygu a Hyfforddi Aelodau gan gynnwys Adolygiadau Datblygiad Personol;
- Gweddarlledu cyfarfodydd;
- Adroddiadau Blynyddol Aelodau;
- Adroddiad Blynyddol y Panel Annibynnol ar Gydabyddiaeth Ariannol;
- Ymgynghoriadau perthnasol gan Lywodraeth Cymru;

2.0 Argymhelliad

Gofynnir i'r Pwyllgor dderbyn yr adroddiad.

Huw Jones

Pennaeth Gwasanaethau Democrataidd

12/09/18

This page is intentionally left blank